

EW NAMOPUNG

A ekkesiwini Itenap 29, Truk District Code, a forata 10% takisesin chitosa ren rent, me pwan ren ekkoch popun.

Epwe Pung me ren ewe Legislature-un Chuuk pwe:

Tetten 1. Ekkesiwin. Itenap 29 non Truk District Code iei a ekkesiwin ren an pachenong Sopun 13, an epwe iei usun ititin:

"Sopun 13. Takisesin Rent ren Chitosa.

Tetten:

1300. Takises

1301. Mommotiwen

1302. Taropween

1303. Amwokutun Moni

1304. Tipis ren Pakking

Tetten 1300. Takises. Ew takises on engon prosentin rent ren ese nifinifin sakkun chitosa iei a foruta.

Tetten 1301. Kammotiwen. Ei takises mei foruta seni ei Sopun epwe kapacheta non ewe fansoun kamotiw a fis fan asengesin niwinin ewe rent ngeni ewe chon atou chitosa(renter). Meinis sin takises mei kapacheta me non wesewesen ew maramen non calendar ewe chon atou chitosa(renter) epwe monatiw ren ewe District Treasurer on ika mwen ewe engon-me-nimuwen ranin ewe maram epwe tapweto. Ewe District Treasurer epwe fori pwe kamotiwen takises esap pwan ku ekkewe fonu nukun ei nomw(Truk Lagoon). Takises ese kamotiw non ewe atun mei affat me non ei tetten epwe nom non tettenin mang(delinquent).


Tetten 1302. Taropween. Ewe sou-wa epwe tumunu fichi taropween meinis sin angangen katou chitosa(rent) ren met mei nom non mosowen ei Sopun. Ekkei taropwe epwe mumu-ngeni ewe District me Tax Collector ar repwe katon fansoun ar tungor.


Tetten 1303. Amwokutun Moni. Meinis sin moni mei wor seni kinikinin mosowen ei Sopun epwe katonong non ewe Monienap.


Tetten 1304. Tipis ren Pakking. Meinis sin takises mei mang kamotiwen fan pungun Tetten 1301 epwe tipis ren pakking won nimu prosentin nussun ewe takises ese kamotiw ren ew maram.


Meinisin kamotiw epwe fis akkom won ewe pakking ren  
ewe takises mei mang(delinquent), iwe murin epwap  
wesen ewe takises.


Tetten 2. Poputaan Pochokunan. Ei Namopung epwe poputa pochokunan  
fansoun an kapunguno me ren Kepina, ika atun an pusin winiti annuk, nge ese-  
mwo kapunguno.

Sain seni:   
Tadashi C. Wainit, Speaker  
Legislature of the State of Truk

Annetata:   
Datash Albert  
Legislative Clerk/Secretary  
Legislature of the State of Truk

Pwinin maram: 

Kapunguno seni:   
Erhart Aten, Kepina  
Truk State Government

Pwinin maram:  April 13, 1979